

格物致知 誠意止心

曾國藩日記

曾國藩

修身齊家治國平天下

宗教文化出版社

日記

中册

36-2-10

目 录

同治元年

正月.....	1
二月	11
三月	21
四月	31
五月	43
六月	53
七月	62
八月	71
闰八月	82
九月	95
十月.....	109
十一月.....	121
十二月.....	131

同治二年

正月.....	141
二月.....	151
三月.....	162

四月.....	174
五月.....	185
六月.....	197
七月.....	207
八月.....	217
九月.....	228
十月.....	238
十一月.....	247
十二月.....	255

同治三年

正月.....	267
二月.....	277
三月.....	287
四月.....	302
五月.....	313
六月.....	325
七月.....	336
八月.....	347
九月.....	356
十月.....	366
十一月.....	375
十二月.....	386

同治四年

正月.....	397
---------	-----

二月.....	407
三月.....	416
四月.....	426
五月.....	436
闰五月.....	445
六月.....	455
七月.....	465
八月.....	476
九月.....	486
十月.....	496
十一月.....	505
十二月.....	514

同治五年

正月.....	523
二月.....	531
三月.....	540
四月.....	548
五月.....	561
六月.....	571
七月.....	582
八月.....	592
九月.....	601
十月.....	609
十一月.....	619
十二月.....	628

同治元年

正 月

初一日 （养生之要莫大于眠与食）

早起，赴万寿宫拜牌，辰初行礼毕，归公馆，各文武来贺。辰正早饭。饭毕，又见客数次。早间大雾，辰刻放晴，巳初阴，巳正定晴。出外贺年，未初归公馆。天寒，至各处小坐。酉刻清理文件，雪琴来久谈。夜核改信稿，复江军门信一件。二更温《古文·奏议类》。三更睡，癢痒，竟夕爬搔，不能成寐。念养生之道莫大于眠食，眠不必甘寝鼾睡而后为佳，但能淡然无欲，旷然无累，闭目存神，虽不成寐，亦尚足以摄生。余多年不获美睡。当于此加之意而已。

初二日

早请客，先吃饭一碗。旋至眉生处小坐。辰正客来，即雪琴、少荃、子偲、海航、梅生诸人，巳正散。与柯小泉围棋一局，周荇农来久谈，清理文件。午旋与李眉生谈诗，极佩杜牧之之俊伟。未正至万簾轩处赴席。簾轩已病，少荃、申夫代为东家。筵宴过盛，灯后方散，归来倦甚。方子白来久谈。写零字颇多。二更后温《古文·奏议类》。傍夕，摺差王廷贵归来，即八月廿七日遣递

恭慰大孝一摺者也。夜登床，癬痒殊甚，三更后成寐。是日为酒食所困。余向来每日三饭，皆有一定时刻，本日失时，便尔大不适矣。

附 记

李朝斌 喻俊明 任星元 丁泗滨

初三日 （是日拟赴黄陂夹为雪琴贺年）

是日拟赴黄陂夹为雪琴贺年。早饭后，雪琴来面订，渠即先归。余约少荃、申夫、眉生同去。辰正起行，至东门外，积雪甚厚，无路可行，轿夫苦之。行五里许，即有大堤，堤上雪为风扫去，易于行，走二十里至黄陂夹。雪琴款接殷勤，供张甚盛。未初中饭。饭后，雪琴与申夫、少荃等出外拜各营官，余在家少睡，与眉生鬯叙。傍晚与雪琴诸人谈，夜亦鬯谈。二更后阅《古文·奏议类》。睡后，左腿爬破，痛甚，彻夜不甚成寐。

初四日 （徽休两军已在岩寺街获胜）

早起，与雪琴谈。旋少荃、申夫等皆起。早饭后至雪琴幕府，与诸友谈。从舢板拜各营官，换坐长龙回家。午初至安庆公馆，见客三次。写家信一封。中饭后清理文件，接信，知徽休两军于廿六日在岩寺街获胜，粮路已通，为之欣慰。清理文件。申正，季弟自枞阳来贺年。渠于初二起程，中途搁浅，风雪苦寒，三日始到，谈至一更四点，二更清理文件。三点毕。睡后，彻夜不能成寐，而癬不甚痒。

初五日

早饭后见客三次，衙门期也。旋至眉生处谈，与少荃、虎臣等鬯谈。午初清理文件。中饭办席，与季弟同饮。与柯小泉围棋

一局。见客数次。与季弟鬯谈。申正清理文件。傍夕少荃来鬯谈。一更四点后，清理文件。二更三点睡。癖痒，不甚成寐。是日接奉廷寄二道、谕旨一道，沈幼丹放江西巡抚，李辅堂放江西藩司。

初六日

早饭后清理文件。勒少仲来小叙，洪琴西来久谈，陈虎臣、徐毅甫来，均久坐。改信稿三件。中饭后与少荃，眉生鬯谈，清理文件。外出拜客数家，酉刻归。寒冷异常，懒于治事。夜清理文件，至二更二点未毕。温《古文·奏议类》。日来癖痒异常，遍身若有芒刺者然，数夜不能成寐。本日尤不耐烦，因服脾汤一帖，睡后竟能酣睡，至五更方醒，近数月所未尝有也。傍夕接左季高信，知刘克庵廿六日大获胜仗，在济岭、大黠岭一带。

初七日

早饭后清理文件。旋至眉生处小坐，与筱泉围棋一局。见客四次，又洪琴西来谈一次，并带其友人吴绍烈、纘先等来见。写文任吾、周寿山信，又写左季高信，申正写毕。清理文件。见客二次。傍夕至眉生处久谈。夜清理文件，至二更三点止，尚未完毕。睡后，三更癖痒殊甚，四理乃得甘寝。

初八日 （与眉生论看地图之法）

是日为先祖星冈公冥诞，与季弟同备祭席行礼。饭后清理文件。与柯小泉围棋一局。与眉生论看地图之法。旋见客二次，又坐见者十馀起。午正出城，至河下拜客，在周荇农处久坐。未初至马学使处赴席，申正归。改摺稿一件，未毕。夜改一摺一片，三更毕。睡颇成寐，五更醒，癖不甚痒。

初九日

早饭后核改一摺二片，又自作近日军情片稿一件。见客五次。午正至李眉生处小坐。与程颖芝围棋一局，又观程与柯竹泉围棋一局，中饭，请程柯二君及杨朴庵、吴纘先、洪琴西便饭，申初散。写对联、挂屏七件。李芋仙来久谈。傍夕接廷寄三件、谕旨一件，知彭雪琴开皖抚缺，以兵部侍郎候补，希庵调皖抚，严渭春调鄂抚，郑元善升河南抚。夜改摺稿一件，二更毕。清理文件，至三更止，尚未完毕。睡后，久不成寐。四更略成寐，五更复醒。

初十日 （接部文，颁到令箭等物）

早饭后见客三次，衙门五十堂期也，旋又见他客四次，义观察泰暨洪琴西谈稍久。午正发报三摺、四片。中饭后阅看公牍，渴睡昏昏。至眉生处，与莫子偈久谈。旋与季弟一谈。文件甚多，懒于清理。身若有病，不甚耐烦。傍夕与少荃一谈。夜不愿治事，与季站闲谈，写零字太多，倒床小睡。二更三点睡，三更成寐。本日文件概未清理。前二日因办摺奏，亦尚有未毕者，合之三日，积压不少矣。是日申刻接部文，颁到令箭十二支、令旗十二面、箭壶一个、架子一个、王命旗十道，纓杆俱全，牌十面，旗牌均有令字。清汉文旗，以蓝缯为之，方二尺许，缯粗与夏布无异。旗杆用小竹、油硃为之，下有铁脚，上有油纸帽缀纓，均极草减，盖近来官物类偷减矣。令箭长五尺许，令旗黄缎为之，上用泥金写“江南钦差大臣、兵部尚书衔、两江总督”字样，上有黄绸方套一个、画龙黄油布套一个，略精整，不似王命旗之偷减。

十一日 （批江西布政详停止摊捐一案）

辰起作恶，急欲呕吐，强忍得止，因不食早饭，亦不治事。饭后，季弟归去。绕室散步逍遥。辰正至眉生处一谈，与小泉围棋

一局。旋清理文件，见客四次，写郭筠仙、意诚信。中饭吃素饭，全不吃菜，幸不果呕。饭后散步良久。申刻清理文件，至傍晚尚未毕。灯后，写零字数十。旋批江西布政详停止摊捐一案，头绪繁多，悉心研核，至三更批毕。余欲办戒州县不可取民财，须令州县有为善之乐，故必尽革摊捐之款，使州县旷然无累，而后可与之更新。此案到已一月，迟回审慎，今始批定。

十二日 （阅上海地图，水道太多，殊难清晰）

早饭后清理文件，见客四次。旋至眉生处小坐，与柯筱泉围棋一局。写左季高信一件。中饭后见客甚多，立见者七八次，坐见者二次。清理文件。毛寄云中丞所寄筠仙拟内江洋税章程摺稿，细阅数遍，不甚了了。傍晚又与少荃、尚斋等鬯谈。夜清理文件，至一更四点粗毕。倦甚，小睡。二更后阅上海地图，水道太多，殊难清晰。三点睡，不甚成寐，三更三点渐得甘寝。是日仍未食油荤。酉刻，接沅弟腊月十五日来信。

十三日

早饭后见客五次，申夫与吴缵先谈较久。旋清理文件，至眉生处，与筱泉围棋一局。中饭后见客三次，清理文件。傍晚至少荃处久谈。夜饭后又作呕吐，吐出清水数十口，作恶久之。唯在室中散步，逍遥至一更五点。清理文件，二更四点止，尚未完毕。睡不甚成寐。

十四日

早饭后见客三次。清理文件，写家信、沅甫一件、纪泽一件。泽儿寄会合诗一首来，颇有意境，因批圈寄回。信中属其熟读魏晋六朝中曹、阮、陶、谢、鲍、谢六家暨唐宋金朝李、杜、韩、白、

苏、黄、陆、元八家之诗。与柯小泉围棋一局。中饭后写季弟信一，又写希庵信一。见客一次，与少荃等谈。清理文件。酉正，任祖父自京回，阅京报四十四本，多新政，颇慰人望。又至少荃、尚斋处鬯谈。夜清理文件至二更二点止，温杜诗数十首，三点睡，颇成寐。五更后醒，不复成寐矣。

十五日 （自省余近日颇安逸，恐晚辈效之）

早，各员弁贺望贺节，见客纷纷，至巳正未毕。雪琴亦自黄陂夹前来应酬，至午初止。倦甚，不复能见客，小睡片刻。清理文件。中饭后又见客二次。新到公牍甚多，略一翻阅，不能竟理。旋写扁、对联、条幅，至傍晚毕。浏阳诸生邱庆籥等来此，令吹笙笛等为乐，余与莫子偲、李申夫、眉生、穆海航等听之。月色如昼，万里无云，与客细论时事，不知今年果有转机否，二更散。阅《说文》虫部，𧈧、蟲等部。四点睡，颇能成寐，五更醒。日内，思余近颇安逸，未尝点名、看操、查墙子，尽心于训练之事，又未尝阅生书，温经史，即书牍公文亦积压不少，深用自愧。又有室家之乐，不似往岁之躬尝艰苦，恐上行下效，风气日坏矣。

十六日

早饭后见客五次。有新任宁国府知府刘传祺自京来，庚戌庶常散馆，为刑部秋审处提调，坐谈稍久。至李眉生处久谈。与柯小泉围棋一局。清理文件。中饭后核改信稿约三十件，至傍晚毕。与尚斋论人才，条理清晰者，往往心地不甚质实。夜清理文件，至二更四点止，日内积压之件减去少一半。睡颇能成寐。近来每三四更得甘寝，五更乃醒，癢痒亦略愈。

十七日 （余蒙恩任两江总督协办大学士）

早饭后清理文件。辰正至李眉生处鬯谈。已初接奉谕旨九道、廷寄一件。余以正月初一蒙恩，以两江总督协办大学士。沅弟以正月初四日蒙恩，补授浙江按察使。无功无能，忝窃至此，实深惭惧。道喜之客甚多，直至未初，应酬粗毕。中饭后出城送周荇农之行，旋至东门看新葺之敬敷书院，酉初归寓。清理文件。傍晚与李眉生、方子白鬯谈。夜清理文件，至三更止。睡不甚成寐。日内盼望上海信息殷忧迫切，不知何以久无确音。

十八日 （沪绅函问洋人与长毛交战事）

早饭后清理文件。旋至眉生处鬯谈。与筱泉围棋一局。见客十余次。潘馥自上海来，携有吴晓帆、潘季玉信函，问及洋人与长毛交战事，叙谈良久。赵惠甫自湖北来，亦与久谈。中饭后写左季高信一件，核改信稿数件。见客七八次，周荇农、李勉亭谈颇久。写沅弟信一件。傍晚与少荃、眉生等一谈。夜清理文件。李辅堂信中手摺十余条，逐一批发，三更尚未完毕。睡后，三更三点成寐，五更初醒，癬痒少愈。

十九日

早饭后清理文件。旋加信四处，各一二片。辰初三刻开印行礼。礼毕，寓内文武来贺，外客皆辞谢。旋至眉生处鬯谈，与小泉围棋一局。出门拜客一家。归，雪琴来久叙。午正小睡。未初请客，学使与司道数人便饭，雪琴亦在坐，申正散。倦甚，不能作事。酉正，与眉生、伯符、尚斋、小泉诸人议余得协办应否辞让，商酌良久。夜清理文件。旋改复奏江浙军务摺稿，至三更毕。是日申正酉初，写对联条幅八件、扁二付。夜不能成寐，似因用心太过之故。

廿日

早饭后见客三次，衙门期也。旋清理文件，改徽州战事摺稿，又青阳战事片稿。午正，洪琴西来鬯谈，观余午饭。饭后，改信稿三个。申刻少荃来，鬯谈一时许。余亦至眉生等处，详论应否疏辞协办之命，众议以为宜受协办，而坚辞节制四省之权，不可同时并辞，近于矫情钓誉，灯时定计。夜作谢恩一件，又作密片一件，三更毕。睡不成寐，似因用心太过之故。

廿一日 （定夺买洋船一只）

早饭后清理文件。旋至眉生处，与筱泉围棋，尚未终局，接周弢甫信，买洋船一只，湾泊城下，欲余登船阅看定夺。其价已议定五万五千金。一委员朱筱山别驾押坐来皖，因与朱同登舟一看，无一物不工致。其用火激水转轮之处，仓卒不能得其要领。少荃、申夫、眉生等亦均往阅看。午初归，倦甚，小睡。未初请客，潘馥、刘传祺等便饭，申初三刻散去。摺弁杨龙章自京师回，查阅京信。清理文件。与眉生、小泉等鬯谈一次，又与尚斋论徽州平糶米一次。夜清理文件，至二更三点粗毕，而连日所到地方公牍，多未打到。睡颇能成寐。

廿二日 （闻沪借洋兵助守事）

早饭后清理文件。旋至眉生处小坐，与筱泉围棋一局。作夹片，言上海借洋兵助守事。见客二次，刘养素自江西来，坐颇久。中饭后见客二次，蒋嘉棫，号莼卿，系余请来作摺奏者，坐颇久。清理文件。剃头一次。倦甚，傍夕小睡。夜阅杜牧之诗，写零字颇多。积压之件懒漫不欲清理。是日酉刻发报三摺、三片、一清单，中有谢恩摺，行九叩首礼拜发。夜接奉廷寄一件。

廿三日

早饭后清理文件。见客三次。写倭艮峰信一件、吴竹如信一件。与柯小泉围棋一局。中饭后清理文件，见客二次，陈虎臣谈稍久，改信稿二件。傍晚与柯小泉、李眉生等商明日出题试书院甄别，因令幕府各拟一题，余择其一。写挂屏八幅。夜温《庄子》《肱篋》、《达生》等篇。二更三点睡，甚能成寐，亦可喜也。

廿四日

早饭后写家信，澄弟一件、夫人一件。因报喜者索钱甚多，寄银百两。旋出门至杨朴庵处小坐。旋至忠义局观考试。敬敷书院举贡生监均准予考，四书题《古之贤士，何独不然，乐其道而忘人之势》，诗题《翰墨场中老伏波》。与首府陈心泉约点名后，在彼少候，而余到时，渠不少候，殊为恼怒。旋出城至李少荃处道喜，渠本日新移居营盘也。又至河下拜刘养素、蒋莼卿，午初归。至李眉生处小坐。清理文件，雪琴来久谈。中饭后习字一纸，见客二次。莫邵亭来，因同至眉生处，鬯谈约一时许，灯后归。程伯敷出示洪稚存《上成亲王书》，即嘉庆己未获咎发遣新疆者。当时直声震于天下，今观之，亦无甚触忌讳之处。夜清理文件，至二更四点半。是日早，接奉廷寄，催令迅速奏事，知两宫皇太后盼望奏报，殷拳迫切，读之且感且悚。

廿五日

早饭后见客三次，衙门期也。首府陈心泉，恶其失信，未与相见。旋至眉生处小叙。陈虎臣、洪琴西、钱调甫、杨朴庵等四次会晤，皆叙谈良久，已未初矣。请刘养素、蒋莼卿等便饭，申正散。倦甚，不能作事，复至眉生处。天气北风严寒。夜清理文

件，写零字甚多。阅长江通商章程十二条，通共章程五条，不甚了了。清理文件。温元遗山诗。三更睡，颇能成寐。陈妾日内患病，本日服药略愈。

廿六日 （作书复毛寄云论夷税事件）

早饭后清理文件。旋见客四次，万簾轩坐颇久。与柯小泉围棋一局。中饭后作书复毛寄云，论夷税事件。写扁二件。将毛信稿细酌，至三更始行作毕，共约二千字。是日午刻，定刻门牌之式、团册之式，颇为用心。下半日稽核夷务，尤费钻索之功。用心太过，夜睡不能成寐。是日接奉廷寄一件。

廿七日 （谕令余进攻金陵）

早饭后清理文件。因昨日用心太过，不敢办事。少荃来久谈，旋与同至柯小泉处一谈。会客二次。旋与尚斋围棋一局。午刻写希庵信一，核改信稿二件。中饭后倦甚，小睡。旋写对联八付。傍夕阅工匠修葺屋宇。夜清理文件，二更后温杜牧之律诗。三点后睡，酣眠至五更方醒，深以为慰。近日积压公牍甚多，又各处请代作谢恩摺者，至八起之多，未能核改。又应行复奏之摺数件，未能起草。昨日偶而用心太过，本日已昏倦，不能治事。精神之疲弱如此，责任之艰大如彼，殆无不颠踣之理，实深焦灼，不知何术可补救一二也。是日接奉廷寄一件，系因江浦、浦口克复，饬令进攻金陵。

廿八日 （观长夫所修葺之客馆）

早饭后清理文件。旋至眉生处小坐，与柯小泉围棋一局。见客五次。将日内所到部文打到。中饭后又打到百餘件。夜又打到百餘件，尚未完毕。下半日见客三次，习字一纸。二更倦甚，即

在位次小睡。三点后至上房。疮痒殊甚，手上诸疮作疼，颇以为苦。睡后，尚能成寐。是日酉刻至外一行，观长夫所修葺之客馆。傍夕接家信，系正月初五六澄弟等寄来者。

廿九日

早饭后清理文件。旋至眉生处，与筱泉围棋一局。习字一纸，见客五次，刘养素坐颇久。午正程颖芝来，与围棋〈一〉局。中饭后见客三次，丁日昌坐稍久。手上诸疮作疼，懒于治事。清理文件，至傍夕毕。夜倦甚，倒床小睡。二更后阅白香山诗。旋清理文件，三点毕。睡颇能成寐。是日接奉廷寄一件，系正月十八日所发者。

卅日

早饭后清理文件。旋见客四次。写左季高信一件。与眉生鬯谈。与筱泉围棋一局。作复奏摺，至灯初毕，约千七百字。旋清理文件，朗吟韩诗数十首。二更三点睡，因本日用心太过，彻夜不能成寐。

二 月

初一日 （季弟请余准其立大营）

早间，各文武贺朔，至巳正方毕。与柯筱泉围棋一局。蒋蕤卿搬入公馆。少荃来，鬯叙一切。午正因说话太多，倦甚。清理文件，清理文件〔衍清理文件〕。午饭后，又见客三次。寓内修葺东北厅屋三间，余签押房将移于此，频往看视，亦因神息不能治事。故聊尔消摇也。责任艰大，才智不称，精力日疲，可忧之至。夜清理文件。季弟信，言收降卒三千，请立大营，踌躇久之，不敢

定计。公牍中所刻余官衔，字数太多，因删去十四字，令其另刻。戏题一绝云：“官儿尽大有何荣？字数太多看不清。删去几条重刻过，留将他日写铭旌。”温韩诗十馀首。二更三点睡，酣眠至五更方醒，美睡也。

初二日

早饭后清理文件。至眉生处鬯谈。与筱泉围棋一局。写官制军信一件。万簠轩来久谈，与之面定厘卡坐支章程。中饭后清理文件，写季弟信一件。旋写扁一方，写对联八付，戏仿近人陈曼生笔意。写毕，与眉生论古人作字之法，至灯时散。夜清理文件，二更毕。喉痛似有微热，因高声诵《诗经》各篇。三点睡，至四更三点方醒。近日每得美睡，虽两臂两手疮痛，而亦忘之，岂身体日佳耶？

初三日

早饭后清理文件。旋至眉生处谈。与筱泉围棋一局。见客一次，万簠轩、李申夫本日始履任，来谢也。巳正杨朴庵来。前考书院卷，请朴庵代为阅看，至是始阅毕送来，因与同阅数卷，评定甲乙，令人写榜，未初写毕。留朴庵在此便饭。饭后，喉痛殊甚。至眉生处小叙，仍尔不悻。申正登床竟睡，至暝方起，喉痛略愈。夜清理文件。写姚秋浦信一件。二更后喉痛，不能作事。三点睡，颇能成寐，至五更一点方醒。是日辰刻，行接诏礼，三跪九叩，因昨夜接奉十二月初八日上文宗显皇帝尊谥诏书也。午刻接奉廷寄一件。

初四日 （鲍春霆放浙江提督）

早饭后清理文件。旋写家信一封。与柯小泉围棋一局。出门